

)(2^r

AD INSIGNIA REVERENDI, NOBILITATIS VETVSTATE ET DOCTRINA PRAESTANTIS
 uiri, Iohannis Aegolphi à Knöringen, Vuirtzeburgenft Ecclefiæ fummi
 Scholaftici, Auguftani ac Eluacenfis canonici, Patroni fui
 obferuandi, Hartmannus Schopperus
 Nouiforenfis.

Knöringen.

Wefterftetten.

Schwendi.

Freyberg.

Hæc monumēta gerit uirtutis Egolphus auitæ,
 Hoc infigne fuæ nobilitatis habet.
 Annulus in clypeo nigrante notare uidetur,
 Quôd fit amicitiae non temeranda fides:
 Vfus enim iunxit quos confuetudinis olim,
 Annulus hos inter nobile fœdus erat.
 Sic duo Coniugij Vinculis quicunq; ligati,
 Dant impolluta Religionis fidem,
 Principioq; carens, & fine, rotundus ubiq;
 Annulus, hos firmans confociare folet.
 Multa Vetuftatem legimus tribuiffe coronis,
 Præcipuè gemmis aurea fi qua fuit.
 Hoc belli dicunt infigne fuiſſe ſuperbum,
 Atq; triumphantum prodigiale decus:

Primos enim muros qui ui concēderat hoſtis,
 Illius merces hoc diadema fuit.
 Diuitis ingenij uel fi quis acumine clarus,
 Ardua ſe ſtudijs extulit altra ſuper:
 Pro patria uel qui ſulceperat utile bellum,
 Fronde coronatum taliter eſſe ferunt.
 Deniq; quifquis inauratam geſtare coronam
 Cæpit, is in ſummo ſemper honore fuit.
 Præcipuè galeæ pulchras in uertice criſtas,
 Aut magnæ plumas fi quis haberet auis.
 Sunt igitur meliora nouis diademata ſignis,
 Quæ monumēta fuæ gētis Egolphus habet.
 His ſiquidem Clypeos numeroſa pecunia do-
 lli nobilitas ingeminata dedit. (nat,

)(3^r

Dem Ehrwürdigen/ Edlen vñ
 Hochgelehrten Herrn Johan Egolffen von Knö-
 ringen/ der Hohen Stiff/ Augspurg vñnd Würtzburg/
 Thumherrn vñnd Scholastico/ Chorherren
 zů Elwangen/ ꝛc. Meinem großgün-
 ftigen Herren/ꝛc.

EHRwürdiger/ Edler/ Hochge-
 lehrter Herr/ E. E. fein meine vnter-
 thånige gütwillige Dienfte zů aller
 zeit beuor. Ehrwürdiger/ Edler Herr/
 Wie fürfichtig/ vñ aller Hiftorien fleif-
 fige vnuerdrießliche Auffmercker die
 erften Leut der vralten anfencklichen
 Welt gewefen/ ift bey allen denen vnleugbar/ fo jrem thůn
 nachgefůcht/ fo wol es auch E. E. in den Bůchern der nam-
 haftigen alten Colmographen/ oder Gefchicht Schrei-
 bern/ alles zweifels on/ gelesen hat: Deñ es zeuget der hoch-
 vñnd Weitberůmpte Flavius Jofephus/ in feinem erften
 Bůch von den alten Gefchichten/ es habē die Kinder Seth
 (nach deme vnd fie vom Adam verftanden/ es würden al-
 le ding künfttig vnter vnd zů grund gehen/ zum theil zwar
 mit groffer feuwers krafft/ zum theil aber durch den Vber-
 fchwal der Waffer) zwo fchöne Seulen auffgericht/ eine
 auß Zieglen/ vnd die andere auß Steinen/ vnd auff die bei-
 de alles/ was fich von anfang der Welt zůgetragen/ w3 fie
 auch für neue Künften auß jrem eignen verftande erfun-
 den/ eingraven vnd hauwen laffen/ Auff daß die Nachko-
 men folche dinge daran in künfttigen zeiten fehen/ vnd ett-
 was gewiffes von jrem thůn vnd laffen erfahren vñnd ab-
 nemen möchten. Es ift jhnen auch folch werck nicht miß-
 lungen/ noch den Nachkomen vbel/ fondern jnen fehr wol
 damit gedienet worden: Denn die eine Seul ift nicht allein

)(iij in

)(3^v

Vorrede.

in der Sindflut vnuerfeeret verblieben/ fondern auch viel
hundert Jar hernach in Syria beftanden/ vnnd was da-
ran gezeichnet/ vonn jedermeniglich erkündiget vnd gefe-
hen worden.

Man lifet auch von dem groffen Rifen/ Tuifco Gigan-
te/ dz er die Leut nach der Sindflut/ weil noch keine fchrifft
im brauch war/ habe vnterwifen/ wie fie von den fûrfallen
den Gefchichten Lieder dichten/ diefelbigen oft fingen/ vnd
alfo die befchehene ding in frifcher gedechtnis behaltē foltē.
Nach deme nun Moſes alle fûrneme Hiftorien/ die ſich
von anfang der Welt biß auff feinen tod/ begeben hetten/
in fünff Bücher verzeichnet/ fetzt er zûletft hinan: Man ſolt
der vorigen zeit gedencken/ vnnd betrachten/ was Gott ge-
than het an den alten Vâttern/ ein jeder ſolt feinen Vat-
ter fragen/ der wûrdts jm verkündigen/ vnd feine Elteften
wûrdens jhm wol fagen.

Wie denn all andere Gefchicht der Jûden auffſ treu-
weft vnd eigentlicheft von den Propheten/ vnd andern hei-
ligen Hochgelehrten Männern in Schrifften bracht/ vnnd
nichts/ dz der gedechtnis oder wiffens werth were/ von jh-
nen vberhûpfft/ vnd dahinden verlaſſen ſeie/ dauon geben
alle Bücher/ beide/ altes vñ Neuwen Teftaments/ vnzweif-
fliche gûte kundtſchafft. Die Kônige in Perſen vnd Meden
hetten jhre befondere beſtelte Leuthe/ die alle jhre ſachen
auffſ fleiffigeft vnd warhaftigeft einfchrieben/ vnnd in die
herrliche kôſtliche Librerey zû Schloß Ecbatana einlegtē/
wie folchs die Bücher Eldre vnd Nehemie hell vnd klar be-
zeugen. In Griechenlanden waren der Gelehrten vil/ die
alle ſachen jhrer Eltern ſo fleiffig vnd genaw auffzeichne-
ten/ daß kein Weib noch Kind bey jnen ettwas fonders ge-
redt oder gethan hatt/ es iſt in die feder kommen/ vnd muß
es alle welt leſen vnd wiffen.

Der Hochberetteft weifelte wolredner Cicero/ ſchreibt
von feinen Rômern/ daß fie den Hyftoribüchern/ von jren
vnd

)(4^r

Vorrede.

vnd anderer Völcker löblichen Thaten/ allein die Ehr für andern Schrifftten gegeben/ vnd angethan haben/ daß lies vnter die Annales referierten/ vnd in die heimlichften heiligften Schatzkammer/ bey den höchften vnnnd fürtrefflichften Schetzzen/ so sie hetten/ verwareten/ vnd einschloffen.

Wiewol wir aber von vnfern erften Teutfchen/ an difem ort/ ettwas zůklagen/ vnd nit wenig mangels habē/ daß sie vns der Gefchicht/ fo sich in vnferm Vatterlāde vor taufent Jaren verlauffen/ nicht allzů viel auffgezeichnet/ on was wir auß anderer Nation Hiftorien erbetlen vnd brauchen müffen/ die vileicht auß not/ als zů jhren eigen Ehren/ vnfer gedacht/ fo find jhrer doch ettliche gewefen/ die mit den Liedern/ welche sie von dem Dietrich von Bern/ vnd andern Rifen gemacht/ Vnd damit vil groffer fachen kurtz vnd schlecht dargeben/ kund vnd zůwiffen thůn wóllen/ dz die Hiftorien in all wege zůbedencken/ vnd nimmer in vergebß follten gefelt werden/ Daran sie zwar fehr weißlich gehandelt/ vñ alles lobs wol werth vnd würdig find/ Deñ die Hiftorien find/ wie Thucidides/ der vil feltzame hendel der Griechen beschriben/ vnnnd felbs in vilen Kriegen gewefen/ zeuget/ ein folcher herrlicher kóftlicher Schatz/ den man allweg bey der hand haben/ vnd nimmer auß dem liñe schlagen sol/ damit man sich in gleiche felle/ deren Exempel darinn für augen/ wiffe zůfchicken.

Es rieth auch Demetrius Valerius dē Kónig Ptolomeo Hiftorien fleiffig zůlesen: Denn darinn würde er nit allein vil finden/ daß jm sonst feiner Freunde keiner anlagē dórffte/ ob es jhm wol auff alle wege fürftendig vnnnd zů feinem eignen nutze dienen móchte/ Sondern er würde sich auch darauß/ gleich als auß einer fürgefetzten Mappen oder Landtaffeln der gantzen Welt/ in den beschehenen hendeln feiner Vorfaren/ erkündigen vnd vmbfehen mógen/ was je vnd je auff dem gantzen Erdboden fürgefallen vnd gefchehen were.

)(4^v

Vorrede.

Man liſet von dem Hochuerftendigen gewaltigen Kö-
nige Alphonſo/ daß er feiner Råth einem/ der jhm verkün-
digte/ es het ein Hiſpaniſcher König gefagt/ daß es nicht vō
nōten/ daß Herren vnnd Fürften in den Hiſtorien vn-
richt ſeien/ geantwortet/ es were diſe arbeitſelige ſti-
m von keinem Menſchen/ ſondern von einem Gchfen vnd vnuer-
nūfftigen Thier herkommen. Da auch diſer Alphonſus
in ein ſchwere krankheit fiel/ vnnd jhm die Artzet nicht al-
lein nicht rathen konten/ ſondern ſein vnleidlicher groffer
ſchmertzen auch je lenger je mehr zūname/ ließ er jhm die
Bücher Quinti Curtij/ vonn den Gefchichten des groffen
Alexandri/ vorleſen/ an welchen er ſolchen groffen luſt em-
pfand/ daß er all feiner ſchmertzen vergaß/ vnnd von der
ſtund anfieng gefund zū werden/ Derhalben ſprach er her-
nach/ Es ſollen Galenus/ Auicenna/ Hippocrates vnd alle
andere Artzet nur weit hindan weichen/ der Hiſtorifchrei-
ber/ Quintus Curtius/ hette jhm geholffen.

Diſem alfo nach/ vnd dieweil die Hiſtorien ſo hoch ge-
halten/ vnnd vonn allen verftendigen/ weit für vil andere
Schriftten vnd Bücher/ je vnnd je gerūmet ſind/ habe ich
mir fürgenommen/ die gedenckwürdigſte Elteſte Gefchicht
ſchreiber/ durch meinen handel des Trucks/ an tag vnd her-
für zūbringen. Darunter denn auffſ künfftige ein Buch
von allen Thurnieren/ vnd andern Ritterlichen Spilen/
mit ſchönen eigentlichen Figuren gezieret/ vnd auffſ fleiß-
igſt beſchriben/ ob Gott wil/ auch ſol an tag kommen.

Jetzt aber habe ich die Bücher von den namhafften
fürtrefflichen Kriegen/ ſo der Durchleuchtige Wolgeborne
Caius Julius/ der erſte Rōmiſche Keyſer/ nicht allein ge-
für/ ſondern auch ſelbs in Latinifcher zierlicher ſprache be-
ſchriben/ in das gūt Oberlendifche Teutfch bringē laſſen/
mit eigentlichen fürgeſetzte Figuren in den Druck fertigē/
vnd ſolch Werck vn-ter E. E. Patrocination fürgeſetztem
Wapen vnd Namen inſonderheit außgeben wōllen/ vnd
ſollen/ Weil mir zum theil wol bewußt/ auch von vilen ehrē

namhaff-

)(5^r

Vorrede.

namhafftigen Leuthen für gewiß verkündiget vnd angezeigt ift/ wie E. E. mit mercklichem hohem verftande von Gotte dē Allmechtigen reichlich begnadet/ auch alte warhafftige Hiftorien zůerkunden/ allen möglichen fleiß fürwende/ vnd fonft den freien Künften vnnd der Truckerey gantz löblich vnd geneigt feie.

Wo fich deñ E. E. difes Bůch für den Tadlern zůfchůtzen/ vnd als ein Erbietung meiner vnterthānigen Dienfte/ auff vn̄ anzůnemen gůntzig vn̄ gůtwillig erzeigē wirt/ als ich gantzlicher trōftlicher hoffnung bin/ wirt E. E. bey mir nicht allein mercklichen luft zů meinem fůrnemen vrſachen/ fondern auch E. E. mit gröſſeren fůrnemerern wercken/ als Chronicken/ Weltbůchern vnd anderen herrlichen fůrftendigē Schrifften/ fo ich noch hinder mir zůuertigen/ vnd ans Liecht zůbringen habe/ Dergleichen biſher nicht vil gefehen/ noch in vnſer Sprache folcher geſtalt zůgericht ſind/ zůuerehren/ vn̄ auffſ gedenckwürdigē E. E. löbliches namens gedechtnis anzůziehen/ mich reitzen vnd bewegen. E. E. thůe ich mich hiemit in aller vnterthenigkeit befehlen/ mit hertzlicher flelichen wůnſchung/ Gott der allmechtige wůlle E. E. in glůckfeliger langwiriger geſundheit/ durch feinen ſchutz vnd ſchirm/ jhme zů lob vnd vilen Menſchen zů ſondern wolgefallen/ gnedigklich erhalten vnd regieren. Geben Franckfurt/ am erften Sonntag in der Faften/ Jm Jar nach Chrifti vnſers
HERRN vnnd Seligmachers
gnadenreicher Geburt/
1565.

E. E.

gantzwilliger
vntertheniger/

Sigmund Feyrabend/
Bůchhandler.

F1^r

Was Hiftoria fey/ auch von
deren Frucht vnd ergötzigkeit.

61

Hiftoria ift nichts anderft/ dann ein Zeuge der
zeit/ ein Liecht der warheit/ ein leben der gedechtnus/
ein Vnderweiferin oder Meifterin des Lebens/ vnnd
der vergangen Welt verkünderin/ welches zûlefen/
zûerforfchen vnnd ergründen/ dem Menfchen nicht al-
lein nützlich vnnd nötig/ fonder auch ergötzlich/ lüftig
vnnd kurzweilig ift. Vnd nach dem aller künfft wiffenheit dem Men-
fchlichen Gefchlecht nutzbar vn̄ ergötzlich/ ift on zweiffel die erkandt-
nus der Hiftorien/ die aller nutzbareft vnd ergötzlichft/ Da durch wir
aller Exempel vnnd beyfpil Lehr/ gleich wie inn einem fcheinbaren
Spiegel befichtigen/ auch welchen Gefchichten nachzûfolgen/ vnnd
was zûfliehen fey/ erkennen mögen. Es machen die Schreiber der Hi-
ftorien/ daß wir alle gedancken/ wort vnd werck der vorigen vnd lân-
geft abgefornen Welt/ die da nützlich feind/ vnd menfchlichem leben
dienen/ befichtigen/ lehren/ vnnd jhnen nachfolgen/ auch auß jrrun-
gen vnnd mißhendeln anderer Menfchen/ vnfer leben richtiger vnnd
besser anrichten mögen. Darumb dann Demetrius Phalereus zûm
offtermahlen den König Ptolemeum ermahnet hat/ daß er die Bü-
cher/ vnnd fonderlich die Hiftorien/ lefen folte. Dann man in denen ge-
fchrieben findet/ daß gute Freund/ auch den bekannten Fürften vnnd
Herrn nicht allwegen fagē dörffen/ daß ich gefchweig daß der Menfch
(als Cicero fagt) fein lebenslang ein Kind fey/ der aller ding/ fo vor
feiner Geburt gefchehen feind/ vnwiffend ift. Daß aber einer vmb al-
lerhand Gefchichten/ Händel vnd gewonheiten alter gedechtnus/ vn̄
der vorigen Welt/ weiß/ ift fchôn/ nutzbar/ löblich vnd gar nahe Göt-
lich. Gleich wie man den Alten langer jar halben gern glaubt/ vnnd
viel auff fie hellt/ darumb daß fie inn folcher zeit mancherley gefehen/
fo mögen auch die Jüngling allein durch erkandtnus der Hiftorien
den alten gleich gefchetzt werden/ vnd vil jar gelebt haben. Was mag
aber vnder allen Hiftorien Teutfcher Nation fruchtbarer vnnd an-
mütiger fein/ dann woher das Keyferthumb entprungnen fey/ vnnd
was der großmechtig erfte Römifche Keyfer Julius gehandelt/ wie
er gekrieget/ vnnd wo mit er jhm einen vnfterblichen Nammen vber-
kommen hab/ zûwiffen? Welche ding alle die nachfolgend Hi-
ftori/ durch jhn den Keyfer felbft befchrieben/ gar
klârlich zûverftehen
gibt/ ꝛc.

Deme-
trius vnd
Phalercus

Erklä^r